



Na osnovu člana 69. stav (2), tačka d) i člana 70. stav (1), (4) i (6) Zakona o javnim nabavkama („Službeni glasnik BiH“, broj: 39/14), te člana 70. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 28/97 i 26/02), na preporuku Komisije za javnu nabavku u Zapisniku o ocjeni ponuda, broj: 15-11-8-7386-7/22 od 26.09.2022. godine, direktor Kantonalne uprave civilne zaštite, donosi:

## ODLUKU o poništenju postupka javne nabavke

### Član 1.

Prihvata se Preporuka Komisije za javnu nabavku za predmet ugovora „Nabavka opreme za Službu za zaštitu i spašavanje sa visina“ i poništava se postupak javne nabavke jer nijedna od primljenih ponuda nije prihvatljiva.

### Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i u skladu sa članom 70. stav (6) Zakona o javnim nabavkama objavit će se na web-stranici [www.czusk.ba](http://www.czusk.ba), i to istovremeno s upućivanjem iste ponuđačima koji su učestvovali u postupku javne nabavke.

### Obrazloženje

Postupak javne nabavke pokrenut je Odlukom o pokretanju postupka javne nabavke, broj: 15-11-8-7064-1/2022 od 08.07.2022. godine, Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke bez PDV-a iznosi 21.360,00 KM. Na Portalu javnih nabavki je objavljeno Obavještenje o nabavci, broj: 6518-7-1-13-3-8/22 od 12.07.2022. godine. Po isteku roka za podnošenja ponuda, evidentirano je da su blagovremeno zaprimljene četiri ponude, i to:

Redni broj	Naziv/ime ponuđača (šifra)	Datum i sat prijema
1.	VIP DESIGN d.o.o. Sarajevo	05.08.2022.godine (11:06)
2.	FIRE TRADE d.o.o. Srebrenik	05.08.2022.godine (11:40)
3.	Mipex-Auto RS d.o.o. Banja Luka	08.08.2022.godine (09:30)
4.	ABC SPORTING d.o.o. Banja Luka	26.08.2022.godine (10:09)

Neblagovremeno pristiglih ponuda do javnog otvaranja u ovom postupku nije bilo.

Komisija je utvrdila računsku grešku u ponudi ponuđača „FIRE TRADE“ d.o.o. Srebrenik, te je upitala zahtjev za ispravku iste. Ponuđač „FIRE TRADE“ d.o.o. Srebrenik je dana 09.09.2022. godine dostavio akt, broj: 09-09/22 od 08.09.2022. godine, kojim prihvata ispravku računске greške u svojoj ponudi.

Nadalje, prilikom pregleda karakteristika artikala dostavljenih u ponudi, Komisiji nije bila jasna tehnička specifikacija dostavljena za stavke pod rednim brojevima 1. (Alpinistički ruksak) i 2. (Alpinistička kaciga) u ponudi ponuđača „FIRE TRADE“ d.o.o. Srebrenik, i stavke pod rednim brojevima 1. (Alpinistički ruksak) i 18. (Alpinistička čekić) u ponudi ponuđača „ABC

SPORTING“ d.o.o. Banja Luka. Naime, upoređivanjem ponuda utvrdili smo da je više ponuđača u ponudi ponudilo isti artikl, ali sa različitim karakteristikama, te smo pretragom putem internet i uvidom u specifikaciju na stranici proizvođača utvrdili određena odstupanja, zbog čega je dana 13.09.2022. godine traženo pojašnjenje od ponuđača „FIRE TRADE“ d.o.o. Srebrenik i „ABC SPORTING“ d.o.o. Banja Luka, koji su isto dostavili. Također, ponuđač „Mipex-auto RS“ d.o.o. Banja Luka je dostavio akt „Izjava po vašim zahtjevima za pojašnjenje ponuda“ od 15.09.2022.g.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da niti jedna od zaprimljenih ponuda ne ispunjava zahtjeve u pogledu opisa predmeta nabavke i tehničkih specifikacija.

Komisija je utvrdila sljedeća odstupanja ponuđenih artikala koje je ponuđač **VIP DESIGN d.o.o. Sarajevo** naveo u Tehničkim specifikacijama koje je dostavio u ponudi:

- za stavku pod rednim brojem 1. Alpinistički ruksak težina je tražena u intervalu od 1400-1500 g, dok je ponuđeni artikl težine 1300g, te nije navedena vodonepropusnost istog;
- za stavku pod rednim brojem 2. Alpinistička kaciga tražena je veličina u intervalu od 54-64 cm, dok je ponuđena kaciga veličine od 53-63 cm;
- za stavku pod rednim brojem 3. Alpinistički jednodjelni pojas tražena je težina u intervalu od 310-320 g, dok je ponuđeni pojas težine 308 g;
- za stavku pod rednim brojem 6. Alpinističko dinamičko uže

	tražene specifikacije	ponuđeni artikl
prečnik	10,5 mm	10,4 mm
dinamičko izduženje	34%	31%
udarna sila	8,4kN	9,1 kN
težina	69g/m	70g/m
statičko izduženje	9,2%	7,1%

te nije navedena proporcija jezgra i omotača;

- za stavku pod rednim brojem 7. Statičko uže

	tražene specifikacije	ponuđeni artikl
težina	79/m	72g/m
statičko izduženje	2,8%	3,4%

te nije naveden materijal istog;

- za stavku pod rednim brojem 8. Pomoćno uže – prusik tražena je težina 21 g/m dok je ponuđeni artikl težine 18,7 g/m, tražena minimalna otpornost na lomljenje je 9 kN, dok je ponuđena 5kN
- za stavku pod rednim brojem 14. Dereze traženo je za veličinu obuće od 35-45 dok je ponuđeni artikl kompatibilan za veličinu obuće od 36-48;
- za stavku pod rednim brojem 15. Krplje traženo je za veličinu obuće od 41-48 dok je ponuđeni artikl kompatibilan za veličinu obuće od 39-47;
- za stavku pod rednim brojem 16. Set karabinera sa trakom bez matice

	tražene specifikacije	ponuđeni artikl
horizontalno opterećenje	23 kN	26kN
opterećenje sa otvorenim vratima	9 kN	11kN
širina otvora	24mm ravna i 27 mm zakrivljena	samo 21 mm;

- za stavku pod rednim brojem 18. Čekić tražena je maksimalna težina 400 g dok je težina ponuđenog artikla 450g;

- za stavku pod rednim 20. Nosila	tražene specifikacije	ponuđeni artikl
nosivost	minimalno 300kg (1 osoba)	150 kg (1 osoba)
dimenzije	minimalno 2150*640*185mm,	2200*600 mm
težina	maksimalno 12,5 kg	14 kg

Komisija je utvrdila sljedeća odstupanja ponuđenih artikala koje je ponuđač **FIRE TRADE d.o.o. Srebrenik** naveo u Tehničkim specifikacijama koje je dostavio u ponudi:

- za stavku pod rednim brojem 3. Alpinistički jednodjelni pojas tražena je težina u intervalu od 310-320 g, dok je ponuđeni pojas težine 400 g;
- za stavku pod rednim brojem 6. alpinističko dinamičko užje nije navedeno dinamičko izduženje;
- za stavku pod rednim brojem 7. statičko užje nije navedeno statičko izduženje;
- za stavku pod rednim brojem 14. Dereze traženo je za veličinu obuće od 35-45 dok je ponuđeni artikl kompatibilan za veličinu obuće od 36-50.

Komisija je utvrdila sljedeća odstupanja ponuđenih artikala koje je ponuđač **Mipex-Auto RS d.o.o. Banja Luka** naveo u Tehničkim specifikacijama koje je dostavio u ponudi:

- za stavku pod rednim brojem 1. Alpinistički ruksak tražena je težina u intervalu od 1400 do 1500 g, dok je težina ponuđenog ruksaka 1580g;
- za stavku pod rednim brojem 2. Alpinistička kaciga tražena je veličina u intervalu od 54-64 cm, dok je ponuđena kaciga veličine od 53-63 cm, te tražena težina od 400-450 g, dok je težina ponuđene kacige 490 g;
- za stavku pod rednim brojem 14. Dereze traženo je za veličinu obuće od 35-45 dok je ponuđen artikl kompatibilan za veličinu obuće od 36-50;
- za stavku pod rednim brojem 18. Alpinistički čekić tražena je maksimalna težina 400 g, dok je težina ponuđenog čekića 535 g.

Komisija je utvrdila sljedeća odstupanja ponuđenih artikala koje je ponuđač **ABC SPORTING d.o.o. Banja Luka** naveo u Tehničkim specifikacijama koje je dostavio u ponudi:

- za stavku pod rednim brojem 13. Cepin traženo je da isti ima gurtu za ruku, dok je ponuđen artikl bez gurtne;
- za stavku pod rednim brojem 14. Dereze traženo je za veličinu obuće od 35-45 dok za ponuđeni artikl nije navedena minimalna veličina obuće za koje odgovaraju.
- za stavku pod rednim brojem 15. Krplje traženo je za veličinu obuće od 41-48 dok za ponuđeni artikl nije navedena minimalna veličina obuće za koje odgovaraju.

Cijeneći navedeno, odlučeno je kao u dispozitivu.

## POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od deset dana od dana prijema iste.

Broj: 15-11-8-7064-<sup>22</sup>/22  
Datum: 03.10.2022. godine.



**DIREKTOR**  
**Dževad Livaković, prof.**